

184

大佛頂如來密因修證了義諸菩薩万行首楞嚴經第一

染



大佛頂如來密因修證了義諸菩薩萬行首

楞嚴經卷第一

天竺沙門般剌密諦譯



如是我聞一時佛在室羅筏城祇桓精舍與
大比丘衆千二百五十人俱皆是無漏大阿
羅漢佛子任持善超諸有能於國土成就威
儀從佛轉輪妙堪遺囑衆淨毗尼弘範三界

應身無量度脫衆生拔濟未來越諸塵累其
名曰大智舍利弗摩訶目捷連摩訶拘絺羅
富樓那旃多羅尼子須善提優波尼沙陀等
而為上首復有無量辟支無學并其初心同
來佛所屬諸比丘休夏自恣十方菩薩諮史
心疑欽奉慈嚴將求密義即時如來敷座宴
安為諸會中宣示深奧法筵清衆得未曾有
迦陵仙音遍十方界恒沙菩薩來聚道場文
殊師利而為上首時波斯匿王為其父王諱
日營齋請佛宮掖自迎如來廣設珍羞無上
妙味兼復親延諸大菩薩城中復有長者居
土同時飯僧佇佛來應佛勅文殊分傾菩薩
及阿羅漢應諸齋主唯有阿難先受別請遠

遊未還不遑僧次既無一座及阿闍梨途中
獨歸其目無供即時阿難執持應器於所遊
城次第循乞心中初求最後檀越以為齋王
無問淨穢刹尊姓及旃陀羅方行等慈不
擇微賤發意圓成一切衆生無量功德阿難
已知如來世尊訶須菩提及大迦葉為阿羅
漢心不均手欽仰如來開闡無慮度諸疑謗
經彼城隍徐步郭門嚴整威儀肅恭齋法介
時阿難因乞食次經歷媪室遭大幻術摩登
伽女以娑毗迦羅先梵天咒攝入媪席媪躬
撫摩將毀戒體如來知彼媪術所加齋畢旋
歸王及大臣長者居士俱來隨佛願聞法要
于時世尊頂放百寶無畏光明光中出生于

葉寶蓮有佛化身結跏趺坐宣說神咒勅文殊師利將咒往護惡咒銷滅提獎阿難及摩登伽歸來佛所阿難見佛頂禮悲泣報無始來一向多聞未全道力慙懃啓請十方如來得成菩提妙奢摩他三摩禪那最初方便於時復有恒沙菩薩及諸十方大阿羅漢辟支佛等俱願樂聞退坐默然承受聖旨

佛告阿難汝我同氣情均天倫當初發心於我法中見何勝相頓捨世間深重恩愛阿難白佛我見如來三十二相勝妙殊絕形體皎徹猶如琉璃常自思惟此相非是欲愛所生何以故欲氣麤濁腥臊交遘體血雜亂不能發生勝淨妙明紫金光聚是以渴仰徒佛剎落

佛言善哉阿難汝等當知一切衆生從無始
來生死相續皆由知常任真性淨明體
用諸妄想此想不真故有輪轉汝今砍斫無
上菩提真發明性應當直心剛我所問十方
如來同一道放出離生死皆以直心心言直
故如是乃至終始地位中間永無諸委曲相
阿難我今問汝當汝發心於如來三十二
相將何所見誰為受樂阿難白佛言世尊如
是受樂用我心自由目觀見如來勝相心生
受樂故我發心願捨生死

佛告阿難如汝所說真所愛樂因于心目若不識知心目所在則不能得降伏塵勞譬如國王為賊所侵發兵討除是兵要當知賊所

在使汝流轉心目為各吾今汝唯心與目問
今何所在

阿難白佛言世尊一切世間十種異生日將
識心居在身內縱觀如來青蓮華眼亦在佛
面我今觀此浮根四塵祇在我面如是識心
實居身內

佛告阿難汝今現坐如來講堂觀祇陀林今
何所在世尊此大重閣清淨講堂在給孤園
今祇陀林實是在堂外

阿難汝今堂中先何所見世尊我在堂中先
見如來次觀大眾如是外望方瞞林園阿難
汝瞞林園內何有見世尊此大講堂戶牖開
豁故我在堂得遠瞻見

尔時世尊在大衆中舒金色臂摩阿難頂告
示阿難及諸大衆有三摩提名大佛頂首楞
嚴王具足萬行十方如來一門超出妙莊嚴
路汝今諦聽阿難禮伏受慈旨

佛告阿難如汝所言身在講堂戶幄開豁遠
曠林園亦有衆生在此堂中不見如來見堂
外者阿難答言世尊在堂不見如來能見林
泉無有是處阿難汝亦如是汝之心靈一切
明了若汝現前所明了心實在身內尔時先
合了知內身頗有衆生先見身中後觀外物
縱不能見心肝脾胃爪生髮長筋轉脈搖誠
合明了如何不知以不內知云何知外是故
應知汝言覺見了能知之心住在身內無有是處

阿難稽首而白佛言我聞如來如是法音悟
知我心實居身外所以者何譬如燈光燃於
室中是燈必能先照室內徒其室門後及庭
際一切衆生不見身中獨見身外亦如燈光
居在室外不能照室是義必明將無所咸同
佛了義得妄耶佛告阿難是諸比丘適來
徒我室羅筏城循乞椽食歸祇陀林我已宿
唐汝觀比丘一人食時諸人飽不阿難答言
不也世尊何以故是諸比丘雖阿羅漢軀命
不同云何一人能令衆飽佛告阿難若汝覺
了知見之心實在身外身心相外自不相干
則心所知身不能覺在身際心不能知我
今示汝兜羅綿手汝眼見時心分別不阿難

答言如是世尊佛告阿難若相知者云何在
外是故應知汝言覺了能知之心住在身外
無有是處

阿難白佛言世尊如佛所言不見內故不居
身內身必相知不相離故不在身外我今思
惟知在一處佛言處今何在阿難言此了知
心既不知內而能見外如我思忖潛伏根裏
猶如有人取琉璃椀合其兩眼雖有物合而
不留礙彼根隨見隨即分別然我覺了能知
之心不見內者為在根故分明矚外無障礙
者潛根內故

佛告阿難如汝所言潛根內猶如琉璃彼
人當以琉璃籠眼當見山河見琉璃不如是

世尊是人當以琉璃籠眼實見琉璃佛告阿
難汝心若同琉璃合者當見山河何不見眼
若見眼者眼即同境不得成隨若不能見云
何說言此了知心潛在根內如琉璃合是故
應知汝言覺了能知之潛伏根表如琉璃
合無有是處

阿難白佛言世尊我今又作如是思惟是衆
生身所蔽在中竅穴居外有蔽則暗有竅則
明今我對佛開眼見明名爲見外閉眼見暗
名爲見內是義云何

佛告阿難汝當閉眼見暗之時此暗境界爲
與眼對爲不對眼若與眼對暗在眼前云何
成內若成內者居暗室中無日月燈比室暗

中皆汝焦晰若不對者云何成見若離外見
內對所成合眼見暗名爲身中開眼見明何
不見面若不見面內對不成見面若成比了
知心及與眼根乃在虛空何成在內若在虛
空自非汝體卽應如來合見汝面亦是汝身
汝眼已知身合非覺以汝執言身眼兩覺應
有二知卽汝一身應成兩佛是故應知汝言
見暗名見內者無有是處

阿難言我常聞佛開示四衆由心生故種種
法生由法生故種種心生我今思惟卽思惟
體實我心性隨所合處心則隨有亦非內外
中間三處

佛告阿難汝今說言由法生故種種心生隨

所合處心隨有者是心無體則无所合若元
有體而能合者則十九界因七塵合是義不
然若有體者如汝以手自捏其體汝所知心
為復內出為徒外入若復內出還見身中若
徒外來先合見面

阿難言見是其眼心知非眼為見非義佛言
若眼能見汝在室中門能見不則諸已死尚
有眼存應皆見物若見物者云何名死阿難
又汝覺了能知之心若必有體為復一體為
有多體今在汝身為復遍體為不遍體若一
體者則汝以手捏一處時四支應覺若感覺
者捏應无在若捏有所則汝一體自不能成
若多體者則成多人何體為汝若遍體者同

前所推若不遍者當汝觸頭亦觸其是頭有所覺足應無知今汝不然是故應知隨所合處心則隨有無有是處

阿難白佛言世尊我亦聞佛與文殊等諸法王子談寶相時世尊亦言心不在內亦不在外如我思惟內無所見外不相知內無知故在內不成身心相知在外非義今相知故復內無見當在中間佛言汝言中間中必不迷非無所在今汝推中何為在為復在處為當在身若在身者在邊非中在中同內若在處者為有所表為所表無表同無表則無定何以故如人以表表為中時東看則西南觀成北表體既混心應雜亂阿難言我所說

中非此二種如世尊言眼色為緣生於眼識
眼有分別色塵無知識生其中則為心在佛
言汝心若在根塵之此之心體為復庶二
為不庶二若庶二者物體雜亂物非體知成
敵兩云何為中庶二不成非知不知即無
體性中為相是故應知當在中間無有是
處阿難白佛言世尊我昔見佛與大目連須
善提富樓那舍利弗四大弟子共轉法輪常
言覺知分別心性既不在內亦不在外不在
中間俱無所在一切無著名之為心則我無
著名為心不

佛告阿難汝言覺知分別心性俱無在者世
問虛空水陸飛行諸所物象名為一切汝不

着者為在為無則同於龜毛兔角云何不
着有不着者不可名無無相則無非無則相
相有則在云何無着是故應知一切無着名
覺知心無有是處

今時阿難在大衆中即徒座起偏袒右肩右
昧着地合掌恭敬而白佛言我是如來最下
之弟蒙佛慈愛雖今出家猶特濬矜所夢
聞未得無漏不能折伏娑毗羅咒為彼所轉
溺於媼舍當由不知真際所詣唯願世尊大
慈哀愍開示我等奢摩他路令諸闍提隨緣
戾車作是語已五體投地及諸大衆傾漏翹
佇欽聞示誨

今時世尊徒其面門放種種光其光晃曜如

百千日普佛世界六種震動如是十方微塵
國土一時開現佛之威神令諸世界合成一
界其世界中所有的一切諸大菩薩皆住本國
合掌承聽

佛告阿難一切衆生從無始來種種顛倒業
種自然如惡又聚諸修行人不能得成無上
菩提乃至別成聲聞緣及成外道諸天魔
王及魔眷屬皆由不知二種根本錯亂修習
猶如煮沙成飯成嘉饌縱經塵劫終不能得云
何二種阿難一者無始生死根本則汝今者
與諸衆生用攀緣心為自性者二者無始善
提涅槃元清淨體則汝今者識精元明能生
諸緣緣所遺者由諸衆生遺此本明雖終日

行而不自覺柱入諸趣

阿難汝今欲知奢摩他路願出死今復問
汝即時如來舉金臂屈五輪指語阿難言
汝今見不阿難言見佛言汝何所見阿難言
我見如來舉臂屈指為光明奉曜我心目佛
言汝將誰見阿難言我與大衆同將眼見
佛告阿難汝今答我如來屈指為光明奉曜
汝心目汝目可見以何為心當我奉曜阿難
言如來現今微心所在而我以心推窮尋逐
即能推者我將為心佛言咄阿難此非汝心
阿難矍然避座合掌起立白佛此非我心當
名何等佛告阿難此是前塵虛妄想或汝
真性由汝無始至千今生認賊為子失汝元

常故受輪轉

阿難白佛言世尊我佛寵弟心受佛故令我
出家我心何獨供養如來乃至遍歷恒沙國
土承事諸佛及善知識發大勇猛行諸一切
難行法事皆用此心縱令謗法求退善根亦
因此心若此發明不是心者我乃無心同諸
土木離此覺知更無所有云何如來說此非
心我實驚怖并此大衆無不疑或唯幸大慈
開示未悟今時世尊開示阿難及諸大衆欲
令心入無生法悉於師子座摩阿難頂而告
之言如來常說諸法所生唯心所現一切因
果世界微塵因心成體阿難若諸世界一切
所有其中乃至草葉縷結詰其根元咸有體

性縱令虛空亦有名見何況清淨妙淨明心
性一切心而自無體若汝執悵分別覺觀所
了知性少為心者此心即應離諸一切色香
味觸諸塵事業別有全性如汝今者承聽我
法此則因聲而有分別縱滅一切見聞覺知
內守幽閑猶為清塵分別影事我非勅汝執
為非心但汝於心微細揣摩若離前塵有分
別性即真心塵若分別性離塵分別影事若分別性離塵非常任若分別性離塵若變滅時此心則同
龜毛兔角則汝法身同於斬滅其誰修證無
生法悉即時阿難與諸大眾默然自失佛告
阿難世間一切諸修學人現雖成九次第
定不得漏盡成阿羅漢皆執此生死妄想
誤為真實是故今雖得多聞不成聖果阿

難聞已重復悲淚五體投地長跪合掌而白
佛言自我徒佛發心出家特佛威神常自思
惟無勞我修將謂如未慧我三昧不知身心
本不相代失我本心雖身出家心不入道譬
如窮子捨天逃逝今日乃知雖有多聞若不
修行與不聞等如人說食終不能飽世尊我
等今者二障所纏良由不知寂常心惟唯願
如來哀愍窮露發妙明心開我道眼即時如
來從胸萬字涌出寶光其光晃昱有百千色
十方微塵普佛世界一時周遍灌十方所
有寶刹諸如來頂旋至阿難及諸大衆告阿
難言吾今爲汝達大法幢亦令十方一切衆
生獲妙微密性淨明心得清淨眼阿難汝先

答我見光明奉此奉光明因何所有云何成
奉汝將誰見阿難言由佛全體周浮檀金
如寶山清淨所生故有光明我實眼觀五輪
指端屈握示人故有奉相

佛告阿難如來今日實言告汝諸有智者要
以譬喻而得開悟阿難譬如我奉若無我手
不成我奉若無汝眼不成汝見以汝眼根例
我奉理其義均不阿難言唯然世尊既無我
眼不成我見例如來奉事義相類

佛言阿難汝言相類是義不然何以故如無
手人奉畢竟滅彼無眼者非見全無所以者
何汝試於途詢問盲人汝何所見彼諸盲人
必來答汝我今眼前唯見黑暗更無他暱以

是義觀前塵自暗見何虧損阿難言諸盲眼
前唯覩黑暗云何成見

佛告阿難諸盲無眼唯觀黑暗與有眼人處
於暗室二黑有別爲無有別如是世尊此暗
中人與彼群盲二黑校量曾無有異阿難若
無眼人全見前黑忽得眼光還於前塵見種
種色名眼見者彼暗中人全見前黑忽獲燈
光亦於前塵見種種色應名燈見若燈見者
燈能有見自不名燈又則燈觀何關汝事是
故當知燈能顯色如是見者是眼非燈眼能
顯色如是見性是心非眼阿難雖復得聞是
言與諸大衆口已默然心未開悟猶冀如來
慈音宣示令掌清心佇佛悲誨

今時世尊舒兜羅綿細相光手開五輪指誨
勅阿難及諸大衆我初成道於鹿園中為阿
若多五比丘等及汝四衆言一切衆生不成
善提及阿羅漢皆由客塵煩惱所誤汝等當
時因何開悟今成聖果

時憍陳那起三白佛我今長老於大衆中獨
得解名因悟客塵二字成果世尊譬言如行客
投寄旅亭或宿或食食宿事畢傲裝前途
不遑安住若實主人自無彼往如是思惟不住
名客住名主人以不住者名為客義又如新
靨清腸昇天光入隙中發明室中諸有塵相
塵質搖動虛空寂然如是思惟澄寂名空搖
動名塵以搖動者名為塵義佛言如是

即時如來於大衆中屈五輪指屈已復開開
已又屈謂阿難言汝今何見阿難言我見如
來百寶輪掌衆中開合佛告阿難汝見我手
衆中開合爲是我手有開有合爲復汝見有
開有合阿難言世尊寶手衆中開合我見如
來手自開合非成見性有開有合佛言誰動
誰靜阿難言佛手不任而我見性尚無有靜
誰爲無任佛言如是如來於是徒輪掌中飛
一寶光在阿難右即時阿難迴首右眴又放
一光在阿難左阿難又則迴首左眴佛告阿
難汝頭今日何因搖動阿難言我見如來出
妙寶光來我左右放左右觀頭自搖動阿難
汝眴佛光左右動頭爲汝頭動爲復見動世

專我頭自動而我見性尚無有止誰為搖動
佛言如是

於是如來普告大眾若復衆生以搖動者名
之為塵以不住者名之為客汝觀阿難頭自
動搖見無所動又汝觀我手自開合見無舒
卷云何汝今以動為身以動為境從始洎終
念念生滅遺失真性顛倒行事性心失真認
物為己輪迴是中自取流論

大佛頂首楞嚴經卷第一

攝州武庫郡鷲林寺住呂

右筆縛日羅疏賢

應永十九年壬辰六月九日書房



一獲

之

拜讀了

文化丙子仲秋朔旦

慈順老人拜誌

110X
184
1